



九谷集

詩

越會吟

番禺方元蒙章甫著



酒酣拔劍舞因歌越會吟天地有終始須臾成古今  
想在三王時依然葛天民秦皇作郡縣尉佗復稱臣  
漢文恩德深生息日以繁詩書若周魯冠帶侔中原  
南海多洪波有時能不揚長風九萬里大鵬起翱翔  
明珠有至性倏去時復還秀色從東來

縹緲羅浮山佳氣起靈州萬古長鴻蒙扶胥紅日  
出貢舶盡朝宗重城數百雉煙火如長雲第宅何  
閭閻桑麻自披荼士女都且閉山水何便妍閭閻  
尚節氣朝寧資忠賢百川盡朝東越江獨南流一  
朝城市上白骨成山丘

過故里

行行過故里迷煩無所之高臺盡荆杞破瓦湮清  
池城頭畫角動秋至色慘悽哀風吹枯楊疑聞舊  
笙篴白日欲西沉鬼火熠已微髑髏雜長蒿魂向

誰家歸狐狸顧我怒蒼鴟愁我啼百年就華屋流  
竄將何栖棄置勿復陳四壁何足私不見宗周道  
長歌悲黍離

入學日口占

二八童心壯時時有不平未能投筆去翻作魯諸  
生

老翁

維舟夜月白行行入荒村村前有古廟殘燈影焯  
焯東隅一老翁臥草啼悲酸近前呼其魂舌在猶

能言家本西城住先代有朱輪郭田三百畝五子  
有九孫城陷同日死不幸老身存我屋他人居我  
田作營田尚有租稅在無食那得錢縣官責里正  
呼我來縣門不敢辭樸笞寒凍皮肉乾縣官聽我  
言揮涕放我還百恨且勿陳兩日無一餐提携過  
舟下酌酒進盤殮

吳宮曲

西施沉醉月初東戲舞歛顏玉檻中正得吳王笑  
顛倒西風吹葉下梧宮

陳宮曲

臨春閣上暮栖鴉陳主多情宴百花一曲後庭歌  
未斷金塘楊柳月西斜

隋宮曲

三山明月上樓臺馬上清歌去不回浪說楊花零  
落盡銀塘春早菱荷開

長生殿曲

生生誓結舊精魂牛女河邊枉淚痕更笑漢皇情  
薄甚昭陽空奉百年恩

新苗

冉冉春方入天天青未成光風吹淺浪靈雨滴無  
聲亂世賢豪意東臯婦子情初心人盡識不與草  
同生

歌

天地攻吾性窮通各有音大都花月恨半是別離  
心何意流清管無端入綺琴曲終情不斷肅肅夜  
風森

舞

絲張管復陳冉冉動芳塵綺步全申意羅裙盡化  
神腰容無定態眸色有專人歷亂香風起庭花樹  
樹春

高絙

雙娥同結束齊上綺繩中對舞容交媚相逢步各  
工倒絳弓韉月翻卷柳腰風誰能擘羅鞵莫便使  
凌空

擬古二首

終古何茫茫陰陽自遷變往者徒爾聞來者弗復

見此生祇須臾不值陶唐禪敝廬窮巷中甕牖顏  
將半北風慘淒淒平野飛寒霰豈曰苦無衣所懷  
在朝覲川水倒西流滔滔何日轉此曲難遽終知  
音淚如綫

大火忽流西陰風起林泉繁星何熠熠寒月正中  
天對此私惆悵徒倚步西軒含情向誰訴歷歷託  
哀絃一曲生離別再彈悲逝川鷓鴣發高鳴孤鴻  
爲迴旋伯牙一去後此調寂無傳知音難再得已  
矣復何言

感甄

塘上歌殘無復春那知一枕不生塵香魂若逐東  
風散誰使陳王賦洛神

秦吉了

東家春色深墻度碧桃陰枝頭秦吉了學得阿誰  
音

釵

枝斯間木難青翠亂金丹春色隨雙燕雲英傍九  
鸞輕敲歌拍脆斜顰鬢蟬寒更有同心字教人細

細看

步搖

高結同心髻珠翹在上頭九華浮玉井八爵舞丹  
丘蝶栖終不定蜂戲亦無由錯訝芳英落金蓮步  
步畱

條脫

纏綿羅袖裏七寶共維持滿月能無缺連環誓不  
離插釵隨腕露攀柳被誰窺那是分明處臨臺割  
臂時

鏡

寶鏡涵花枝佳人花下窺怪誰爭國色翻自妬蛾  
眉顰笑相為媚神儀各得師祇嫌能照膽小怯被  
人知

南海神廟

南極滙朝宗龍宮肅清悶不知何代樹萬古搖蒼  
翠俎豆非時製鏞鼓多靈異堦除老苔蘚古墻垂  
薜荔舊碣半磨滅文字難盡識門前立司空風雨  
生鄉淚祝融屬時令百王崇祀事精誠寄玉冊神

犧走官吏和風歲一吹靈雨或時至猶恨三代禮  
 遺籍獨未備我來泊扶胥中夜搖夢寐長鯨正橫  
 行蝸像時相戲紅日曜扶柯萬怪不敢視須臾揚  
 洪波烟霾暗天喬寒風吹海雲蛟螭半顛墜越裳  
 阻長濤神山盡虧蔽浩歌時一問無乃神靈意

吳元躍過訪

吳年十三同舉於鄉

昨日鹿鳴宴光輝總屬君問年纔舞勺知我數論  
 文濁酒因人好名香待月焚吾曹誰不畏尼父懼  
 無聞

端州

翠華已零落客子來清秋日夜西江思潯溪故國

愁水盈孤峒汎

石峒水漲屹立如浮

雲下七星流

七星巖名

忽覺

城樓暮寒笳吹不休

上公車

非上治安書栖栖別草廬高堂五十外荒產亂離  
 餘市筑今何在金臺已作墟有行猶未到先欲歎

歸與

峽山

在清遠



九名集 卷三 七  
滇江千里瀉到此益奔突石勢欲飛渡對岸相肆  
岫雲水搖空光不倚日與月孤猿抱危枝倒影波  
裏沒兩壁絕人徑孤磬何處發日夜靈風聚萬籟  
從未歇頓覺天地殊耳目生恍惚清悟失語言一  
身自如兀

張文獻祠

在梅嶺

宰相開南國文章在日中臨朝問風度幸蜀憶精  
忠古廟烟霞合高峯道路通  
公開梅嶺應知遺像內金  
鑑照丹衷

梅嶺

突兀楚山收初舍萬象幽翠微開粵路文物在南  
州仙去空壇古猿歸曲洞秋迴看溟海上風起大  
鵬遊

十八灘

十八灘中石參差如劍戟客從灑瀕來至此還太  
息

泊廬陵懷文忠烈

嘆息文丞相黃冠不見還有情章貢水今日甲游

溪風吹水天  
泊南昌二首

自晒風塵面清江映無色縱教遇梅尉何由得相識

西山多晚翠一半落東湖爲慙徐孺子欲往重脚躡

鄱陽湖中作

中宵風落始維舟夜色朝光萬象幽彭蠡空濛搖日月匡廬蕭瑟亂春秋千峯雲上時能見九派東

來半不流灩灩微波青翠遠那知人外有滄洲

泊金陵

六朝江水碧濛濛三百年中霸業雄不見新亭垂淚者蕭蕭禾黍盡秋風

徐君冢

當時冢前樹寶劍值千金劍樹俱零落空懸季子心

濠梁

不見古時水今魚異昔魚莊周寧是我爾樂也何

如

鍾離懷古

蓼國茫茫歲月空長淮幽咽自西東塗山不見諸  
侯會淝水猶成一戰功雲母石殘悲白日都梁香

落怨西風

鍾離有雲母都梁二山

蕭條垓下誰能過漢代河

山已夢中

廉頗冢

在壽春

拓地知多少隋功只尉文

趙封邑

仍無七尺地堪表

信平君

虞姬墓

楚王無意定三秦垓下紅顏自殺身莫恨江東無  
赤帝漢家猶有戚夫人

沛豐

枌榆起大風屠狗盡英雄一時雞與犬亦得入新  
豐

張良墓

家散千金歸漢主舌存三寸拜畱封椎秦不意逢  
黃石辟穀翻難遇赤松

范增墓

赤帝安能殺私心亦可哀果然白楊樹豐沛大風  
來

燕子樓

淚痕不到地春草綠萋萋祇有經過燕不忍作雙  
飛

甯戚冢

飯牛凡幾日相國許多時貴賤都成夢商歌徒爾  
為

穀城山

長跪問黃石君心更何如圮橋一去後不肯再傳  
書

三歸臺

一朝無管氏北海日滔滔幾人成霸業莫厭此臺  
高

鮑叔牙墓

不待桓公霸先知管仲心斯人一去後交道盡黃  
金

易水

壯士一高歌商聲慘不和悲風留易水千古自寒波

樓桑村

漢昭烈帝故居

割據羣奸起巴西幸有君赤符延四百火德尚三分古月當年樹荒村落日雲笳吹連涿水惆悵不堪聞

燕臺懷古

獨來此地聽悲歌寂寞凄風柰若何平野雪深迷

督亢大寒冰合渡滹沱齊城有恨金臺草燕市無人易水波一自漁陽成郡縣年年邊塞鼓鼙多

倡樓曲八首

寶帶貂裘姣少年當樓下馬脫龍淵昨宵烽火甘泉急繡被墟頭莫醉眠

不憐閨閣蕙蘭香只種桃花向路傍愛妾日看千萬騎分明世上不如郎

水滿天津三月時紅裙翠袖拂花枝子都邀我同車去愁殺懷春嬌女兒

九谷集 卷三 十一  
繡戶紗窗楊柳斜芙蓉解發金頭花鳳凰寶帳鴛  
鴦褥誰信儂家卽宋家

有意無心一片雲綺巾羅袖九華裙腰肢泛爲他  
人舞只有青眸奉使君

公子鳴珂驕踏花相逢相顧玉鈎斜乍驚芍藥無  
顏色故駐垂楊問妾家

博山爐火九微燈玉盞同心酒百升共醉不醒君  
莫恨千年松栢屬西陵

特起高樓爲妾軀不嫌齒齶出泥塗漢家亦有風

流帝一旦臨軒冊子夫

安定侯閨人曲

少年夫壻拜侯封朝退春光繞玉容綺閣昨傳宮  
髻早錦帷新賜御香濃日高雲影連三殿月上簫  
聲入九重不待黃鸞相喚起催粧全借景陽鐘

執金吾閨人曲

朱門蘭綺夾高梧五日來歸美且都鏡裏春風搖  
金蒂帳前新月繞流蘇鴛鴦有意迎桃葉鸚鵡同  
心喚綠珠不信上頭夫壻好漢家皇帝願金吾

羽林騎閨人曲

英英二十羽林郎  
夜夜調絲入洞房  
早就蘭燈描  
卻月曉隨天子  
獵長楊  
驂驪冀馬千金價  
的爍吳  
鉤七寶裝  
莫信焉支顏色好  
春光無意到燉煌

少年曲七首

下馬壚頭日已昏  
貂裘不惜換青樽  
酒酣笑謝胡  
姬去夜入邯鄲  
爲報恩

葡萄美酒膾嘉魚  
千里烽烟報羽書  
一醉各尋邊  
塞去不須臨別問  
家君

白馬金鞍共一身  
朝遊三晉暮遊秦  
畱將七首疇  
知己且置樽  
前睚眦人

紫驥爭風不動塵  
一時看遍五都春  
當壚小婦俱  
相識縱是無錢有  
主人

當年相識灞陵橋  
寶劍分攜約久要  
十載重逢疏  
勒外一貧一貴各  
橫腰

射虎西山晚莫旋  
且歸平樂醉春筵  
燕歌趙舞宜  
歡盡疇爾秋金七  
寶鞭

落日秋原獨射鵬  
東來白馬笑相招  
各通名姓揮

鞭去目斷飛塵度渭橋

下第南歸寄別京中遊好

年似終軍抱奇志萬里擔簦求一試自知不是棄  
繻時取舍區區在文字人生貧賤何足惡詩書射  
獵年華度寄謝幽并俠少年南海方元出關去

沛豐懷古

荒烟寒草水濛濛白帝身分在此中天子酣歌辭  
故老太公屠販入新豐日高苾芻疑真氣秋起枌  
榆想大風更使行人頻駐馬膝橫雙劍認雌雄

廬江周瑜墓

千秋來夢寐公瑾髮眉真頻夢周郎智畧伸知己風流

荅美人孤墳疑處所一在宿松芳草各青春欲托絲桐

響知音尚有神

京中行樂曲

太液光波搖鳳闕西山晴雪映虹霞玉簫待月過  
平樂金管隨春繞狹斜艷馬競嘶紅陌草嬌鶯齊  
轉帝城花紛紛田竇今朝事獨擁胡姬醉酒家

金陵行樂曲



六代風流自不同白門烟日綺羅叢半天江色樓  
臺上十里桃花井市中絲管每隨淮水月翠微不  
斷孝陵東紅衢夜夜千燈滿公子初酣上玉驄

蘇州行樂曲

蘇臺春思正遲遲無數蘭舟逐水嬉綺曲競從鶯  
裏轉清吹齊向月中移桃花水日千溪色楊柳波  
風十里枝日日紅粧相結伴靈巖山上吊西施

揚州行樂曲

邗溝一夜轉青蘋草色幽幽柳色新曲岸紗窻搖

晚日隔江羅襪起香塵花堤蛺蝶能畱客月舫歌  
吹解泥人二十四橋何處是滿城春色總迷津

杭州行樂曲

六橋烟景上湖亭澹日平波總渺溟紅粉春朝臨  
水映嬌歌秋月隔荷聽潮頭百尺來滄海鷺嶺千  
重出翠屏欲識少年肝膽地西陵松栢到今青

廣州行樂曲

碧榭朱樓大海濱扶胥初日映芳塵梅花爭放迎  
長至翠鳥羣飛應立春雨後村庄紅豆熟月中環

佩素馨新博山爐火家家煖同是沉香國裡人

送客之燕

英雄未得志不惜遠行遊一曲狂歌去悠悠江水  
流雞鳴催客思劍舞散春愁歎息金臺上蕭條成  
古丘

從軍曲

時有定越之兵作從軍曲七首

似雪梅花落鐵衣春風橋上柳還稀西城日沒三  
聲角一夜征鴻盡北飛

縱教都護及春還零雨霏霏過萬山莫把落花調

鐵笛長河千里是梅關

何處寒笳起晚烽琵琶洲下水淙淙萬里征人鄉  
淚盡不堪猶對鷓鴣峯

移營江浦綠楊叢枝拂紅旌盡向東長笛那知不  
堪折越王臺上又西風

寒風颯颯雨冥冥鐵馬長嘶不可聽只道隴頭悲  
咽甚那知洋水有零丁

木落風高秋水濶長鯨吹浪月明間不見三瀧人  
墮淚空教橫笛怨關山

九谷集 卷三 七  
紅旗晚過石門山漢代樓船住此間十萬征人歸  
未盡至今流水爲潺湲

蓮

蓮葉亂花香聞名已斷腸呈歌皆艷曲結伴盡紅  
妝戲作同心蒂重胎奩子房依然不相語惆悵水  
中央

蘭

一草關天意馨香尚在余臨風欲相贈君子顧何  
如堪結春光佩能飄明月裾過時如不掇尼父爲

停車

芭蕉

自媚在淒清寥寥畫不成欣風舞愁影春雨滴秋  
聲花發無專候丹苞獨久榮爲題新句滿教汝不  
勝情

素馨

的的百花間芳心媚且閒低帷穿比翼盤髻作連  
環淡色同明月嬌香上玉顏東風無限恨去去亦  
知還

羣英盡搖落籬菊一朝新豈敢凌霜雪無因托艷  
辰孤芳誰肯伴晚節自爲春無復繁華意吾生本  
有真

老少年

一名鴈來紅

鴻雁五更聲朝叢吐絳英晚成見天意長發到春  
情後菊難爲節開梅不讓榮想當師尚父笑贈爾  
嘉名

蝶

采采不如意東風空滿懷異香何處也非誤上花  
釵

柳色桃花水歌

春溪窈窕春水生空光搖蕩柳青青照水春  
無已桃花昨夜吐芳情柳意桃情相掩映綠水無  
心亦難靜舞蝶迷時更欲低鶯轉花梢頻弄影可  
憐此日斷腸時思婦樓中不忍窺幾片殘紅飛不  
去今朝堤上拂長絲花落花開誰得似歎息容華  
逐流水更將秋淚寄漣漪澹淡東流何日止游絲

宛轉晚風多曲水蒼蒼漾錦波儘教春夢愁難盡  
泛泛鴛鴦柰若何

秋風明月樓歌

梧桐枝起一聲秋澄湖南畔月華浮不知何故高  
樓上齊捲珠簾各上鈎寒蛩罷響清螢歇瑤笙錦  
瑟參差發分明有意激清商蟾兔寥寥爲誰缺今  
年不見去年秋明年又夢今年月明月年年照恨  
人秋風自古多離別初起青樓十二重綵鸞金爵  
玉盤龍蘭蕙香多飄不去水晶屏掩照還空自從

秋冷鴛鴦慢夜夜樓頭望河漢顧影誰憐玉筋明  
寒雲吹散悲砧斷悲砧斷處獨徘徊心隨明月入  
君懷憑君數弄西風笛賤妾高樓夜夜開

佳人試舞衣歌

君有興雲作雨之寶絲織成鴛鴦裁舞衣合歡綵  
縷同心帶正妾蘭閨十五時垂楊日日東風度腰  
手聰明自能舞君恩君愛與衣新不增不減宜青  
春微軀量度生慚媿小步橫眸荅君意綺袖續紛  
引落紅明月華燈香滿地不愛桃花愛桃葉百歲

憑君可憐妾巫雲  
中嬌幅幅裙裾化蝴蝶  
佳人歌半曲歌

海棠半吐朱櫻吸嬌鶯怯  
嚙花間涇流聲引笑散  
笙簫春風吹斷回眸入高堂  
讌罷歸金屋明月重  
光掩華燭知音不貴貴  
知心低帷解佩爲君續

酌酒上春時歌

春草穉春柳黃春花孕春鶯  
藏感春人斷春腸約  
春期寒春裳春酒初醺春未央

歌舞畱上客歌

少小共城郭一在阡南一阡北  
時時騎竹馬相娛  
樂稍長有家室各營作一月幾回見顏色  
今日歡會相將努力傾金爵  
我有燕娥趙女斷腸歌曲紅  
巾錯落明月徘徊花照灼  
脫君車解金絡殷勤迭  
醅醉今日不盡歡明日又離隔  
人生幾何頭易白

梧桐金井月歌

桐葉昨夜夢中脫鴉影  
孤凄枯榘子獨坐銀牀玉  
簫發颯杳西風蟾兔缺  
零露團團明可掇心似轉  
轆轉難歇君是朦朧井中月  
暫時一照又離別

美女薄啼痕歌

海棠一枝斜宿雨愁殺東風黯無語濛濛蒼蒼巫  
山曙行雲半散歸何去

素馨合歡帳歌

穿成比翼同心結綴以流蘇共明月中有如花同  
夢妾無柰香何化雙蝶

七十二鴛鴦歌

鴛鴦顧影銀塘浴合歡枝下交加宿丈人五日方  
休沐秦箏楚舞邯鄲曲殷勤比翼調金屋羅列雙

雙三十六與衆歡娛不爲獨

古意

白馬何翩翩不食家園草爲愛踏春花朝暮章臺  
道章臺大路傍人情重珍寶珍寶會有窮相親不  
相好曉風吹高樓南陌啼鶯早草青能幾何憂深  
顏易老

葵

向日不知倦微生本有心因之能衛足憂患意彌  
深

虞美人草

春風前薄命草塚下斷腸人近來顏色好不見漢宮

送燕

不爲逢秋社何因見汝心多情畱綺語有恨顧紅襟異體能無別懷恩不在深門前紅豆樹春到早相尋

秋社徂矣燕不果行

秋風莫相怪匪我故愆期難得逢恩寵誰能輕別

離寒涼應漸甚儔侶已先時獨此慊慊意徘徊空自知

詠史

已過金吾願臨軒冊麗華憑誰憐故劍零落匣中花

斑竹

何處覓娥英空畱無限情朝朝懸宿雨夜夜作秋聲  
媯汭非吾土瀟湘寄此生誰分幾竿去種種杞梁城



九谷集 卷三 三  
孀婦歎

人命以娛情情枯命亦輕  
卷施何故也心盡尚能  
生

恨

十載新婚別相思夜夜春  
可憐攜手日秋入夢中  
人

懶起

每憑幽夢接黃義無那朝  
林叫子規縱起看春亦  
常事更爲蝴蝶繞花枝

尋隱者二首

新苗習習柳深深綺陌參  
差日漸陰隔水樵夫指  
前路翠微繞盡一花林

行盡春山水又岐兩溪桑  
柘自成籬數聲雞犬分  
明近青翠叢深路不知

社日懷燕

布穀啼新雨流鶯弄落梅  
如何江上燕社日未知  
來春滿雲屏掩花光寶鏡  
開幾時簾幙下細語共  
徘徊

海珠有感

寶石何年江上浮  
江風江月共悠悠  
趙王臺榭劉  
王苑無限春華逐水流

花渡頭送客歸錢塘

醉別春風花渡頭  
西湖歸去採蓮舟  
此地素馨明  
月夜相思江水兩悠悠

四時宮怨四首

重門深掩度年光  
落盡桃花草漸長  
紅袖春風何  
處去日隨歌舞在平陽

黃梅驟雨隔香車  
楊柳無風引翠華  
誰教芙蓉如  
妾夢無人猶發壼頭花

淚滴銀牀墜碧桐  
烏啼宮柳盡西風  
獨將紈扇殷  
勤弄曾侍君王舞袖中

臺烏風落錦纏毬  
宮井冰生金轆轤  
莫訝寒多無  
路散昭陽香繞博山爐

伍子胥

伍員被怨毒存軀  
爲父兄蘆中呼渡急  
所畏非死  
生浩浩楚江流  
匹夫怒難成漁父哀  
歌起深知窮

九名集 卷三 三  
士情笑謝千金劍還君報不平

戚姬

戚姬作楚舞高皇爲楚歌楚歌和楚舞悞惻涕滂  
沱英雄審大計私恨常苦多且盡今日歡恩愛能  
幾何

蜃

安知氣成幻天地不爲真宮市疑歸海雕樓似姓  
秦縹緲來蓬島虛無出鬼神雖空誰不羨儵忽感  
何人

蟬

自謂何功德人間敢素餐薄叨無主露甘受一枝  
寒感候延秋入流聲和瑟彈飄然畱蛻去猶寵侍  
臣冠

螢

不得作星精翻從腐草生祇將能自照聊以別宵  
征在雨終難滅逢金不與爭倘教依日月何惜晦  
微明

蟋蟀

唧唧上西堂孤凄夜未央無心催懶織有意激清  
商幽國方嗟婦唐人已太康俱非離別者那識怨  
思長

青槐綠楊道歌

羊城大道晝陰陰楊花槐色蕩春心枝枝燕子調  
新語樹樹黃鸝弄好音黃鸝燕子歸何處對門若  
住盧家女盧家女兒年十六日日看春看不足槐  
枝簇簇柳枝低無情有意縈金屋金屋畱春可奈  
何佳人樹下日婆婆偶聞玉管三聲恨誰聽雲屏

半曲歌一枝柳變黃金色欲託良媒媒不得試將  
幽思寄芳槐吹斷東風月寥寂徘徊明月忽西斜  
槐隨柳影戀西家不見道傍腸斷處畫樓人靜掩  
窻紗

西濠采桑女歌

五羊城西濠水平濠邊桑樹搖春情佳人結伴薄  
妝束行過南橋兩三曲一聲笑語春風起吹亂羅  
裙綠波裏千鶯有意作嬌啼百花無色低香蕊柔  
荑婉婉引相親選翠攜芳衽帶新釵頭玉燕知調

笑牽枝飛過海棠春  
蚕饑相約且歸去  
遙望紅樓在何處  
路傍年少任躊躇  
可憐不似使君愚

羊城花渡頭歌

花渡頭秋波桂楫木蘭舟  
紅粧障日影悠悠  
悠悠一水不可卽  
誰不憐花似顏色  
釵頭玉燕亦多情  
不愛明珠愛素馨  
君不見賣花女兒錢滿袖  
香風齊入五羊城

二月流花橋歌

橋邊昨日鶯亂啼  
桃花無主飛東西  
一西一東何

處止夙恨殘香逐流水  
劉王不感趙王臺  
芳春園內百花開  
素馨夜繞同心髻  
茉莉宵浮長命杯  
紅粉憑欄看比日  
顧影鴛鴦相對浴  
只恨無因致牡丹  
那知天意多翻覆  
秋去春來水自流  
兩岸青青草色幽  
又向橋南作王府  
移花種上越山頭

越王臺懷古

南下樓船罷翠華  
漢時明月照啼鴉  
莫悵路傍芳草色  
柏梁三月自飛花

昌華苑懷古

扶胥新月上珠樓茉莉香風起越謳一曲未殘金  
管斷行人仍道荔支洲

秀華園懷古

當日花朝催曉妝倚欄愁憶牡丹香半塘日落東  
風起一樹桃花斷客腸

芳春園懷古

沉香亭閣盡佳人花下清歌月下擧今日野橋青  
草色不知南漢舊時春

嘯

不知歌與曲隨性自爲音盡是睢于意全無絲竹  
心蟬風飄夕響猿樹隱秋陰一夜湖山上蕭蕭落  
木森

笑

恨意何期斷芳心不敢陳嫣然天上落桃李失青  
春雜語嬌難畫兼眸媚入神魂搖方欲辨倏忽現  
微嗔

擧

何故傾人國朝朝擧不休情深虛作恨歡極戲含

愁眸低新日障眉感遠山秋誰言天子貴買笑總無由

秋月聞琴

寂寞寒空起素琴疎星斜漢倏蕭森幽溪半夜潺湲水孤鶴一聲離別心花影飄飄隨上下桐陰冉冉共浮沉憑誰爲寫三秋意欲訴姮娥不可尋

滕王閣

亂後重建

千年好事者高閣復逶迤一檻西山月依然帝子時樓臺亦多少荆杞修叅差總爲文章地伊人在

水滸

泊金陵

長江風起鬪龍蛇千里天池亦帝家五馬渡頭無限恨不堪重聽後庭花

泊京口

白日蔽海門悲風捲寒笛古來用武地霸圖遂蕭索北固蒼崖深洪波怒崩坼長鯨志氣橫蛟龍失窟宅寶劍中夜鳴哀歌念疇昔縱使有周瑜何處尋孫策

金山

青翠影悠悠波聲入磬幽潮高孤島泛雲駛一峯  
流海月兼江色吳山接楚秋那堪京口笛吹動半  
生愁

大梁懷古

公子橫行在一時女流亦解報恩私邯鄲獨折孤  
秦氣函谷頻連六國師屠市草長無客到夷門秋  
老令人悲徘徊總爲英雄地白日蕭條博浪椎

豫讓橋

一劍橫橋側平生國士恩邯鄲爲郡後流水減潺  
湲

樂毅墓

在邯鄲

昭王聞買骨築館拜名賢可憐舊賓客身死不歸  
燕

叢臺

茗榮婀娜上嬖姍斜抱瑤琴倚檻彈此日武靈還  
似夢中山春色入邯鄲

麥飯亭



草昧君臣意倉皇一飯間真憐刳股者畱恨滿綿山

高漸離故居

抱筑西秦去燕丹事總非易水寒風急蕭蕭不忍歸

黃金臺

天上出神州聊存古一丘昭王無處所寒草自春秋臣妾齊秦遍風雲命數投何勞鄒魯輩辛苦霸王謀

射獵西山頭歌

君家何處在幽薊日日帝京裘馬地西山鳥疾狐兔驕白羽橫腰鷹在臂今時不用信陵君高堂誰復客紛紛四海爲家烽火靜九邊無地樹功勳一揚一抑皆由命從此洛陽無劇孟今年射獵復明年不向酒壚道名姓

三春帝京道歌

九重昨夜春光散紫陌紅衢齊爛熳滿城雲雨戀花叢高樓簫管飄天半玉佩千官早下朝清波搖

錦御溝橋流出百花猶帶笑  
夙恨殘香未忍銷  
金吾夫婿千騎歸路傍  
桃李有光輝  
小婦南頭採桑  
去相逢相望紫騮嘶  
馭馭幽并俠少年  
五陵衣馬最便妍  
春早聽鶯南海子  
日斜尋燕兩河沿  
北方佳人可憐色  
堤上看花頻歎息  
他晨蛺蝶報花朝  
今日鞦韆送寒食  
寒食幾何還  
上巳羈旅春華若  
流水九門日日送  
將歸萋萋芳草悲公子

大道綠楊樓歌

妾家高樓臨大道  
綠楊幾樹東風好  
遊絲繚繞故

多情嬌鶯睨  
睨真難老  
樓中四戶八綺窻  
六三夫婿羽林郎  
朝挾金丸隨輦路  
暮抱銀箏歸洞房  
人生易惹三春恨  
憑君莫動封侯願  
不見北隣柳色  
昨日新今朝不似儂家春  
若向燕支得傾國玉門  
三月楊花白

幽并俠少年歌

幽并少年重遊俠  
白馬臨風驕蹀躞  
貂裘錦帶紛  
離赤日霓光起  
長鋏禁城東  
風吹淺草九門春  
色何妍好綺衢紫陌一時過  
揮鞭直指長楸道  
野

寒沙飛鷹擊疾狡兔迷離方出窟雙鶴倏忽墮我  
前長雲黯淡鳴飛鏑翻馳直上西山巔千巒崒岬  
須臾旋衆人辟易共迴鄂揖我道我何趨妍整轡  
還歸過平樂擊鞠樗蒲縱歡謔興酣一飲十萬錢  
玉盃金盤光錯落胡姬嬌唱金縷歌琵琶幽咽舞  
婆娑樂莫樂兮樂莫樂白日西馳奈若何

登泰嶽

雲臥對扶桑欲覩太初日中夜蕩我魂斑斕渺恍  
惚須臾二丈輪環帶霞五色萬里搖空光漸識東

海白縹緲三神山欲出忽已沒俯視一帶明黃河  
不可得悵望西長安咸原氣蕭瑟會稽極南顧五  
湖一涓滴乃知元氣大終古青岬岬七十有二君  
來去何倏忽石碣終雕謝憑誰數功德白雲長在  
天云亭不增益茫茫向誰問秦松與漢栢

鄴下懷古

蕭條講武舊城池漳水東流復問誰七十二墳銅  
雀夜不知何處解歌吹

古戰場

九谷集 卷三  
三年廣武血紛紛楚漢鴻溝不肖分十萬征魂休  
夜哭高皇未報紀將軍

淮陰懷古

酒家誰是杜康隣未醉先歌感慨頻東海婦愁啼  
作雨副車椎怒石成人田橫島上潮空咽漂母祠  
前草自春日日落長淮飛鳥斷英雄多少淚霑巾

廣陵懷古

江都仍是好春光想得瓊花舊日香二十四橋歌  
吹起東風先遣過雷塘

燕子磯

迢迢鐵鎖繞危峯峯上孤亭四望空天險波濤連  
日夜地迴龍虎失西東六朝陵塚烟花裏一代君  
臣旅夢中金殿畫梁零落盡年年飛燕泣春風

望匡廬

自歎名山下孤舟去似風空勞招隱者惆悵白雲  
中

豐城懷古

當時太阿劍光氣上青天假似生今日終沉古獄

邊

立春前九日

今日非昨日娟娟佳氣新  
真閒先報鳥得靜早通  
春花思弱含語風情嬌怯人  
豫將詩共酒顛倒答  
芳晨

雜興

幽居淡無事緩步笑尋春  
好鳥鳴空谷長楊夾古  
津雨中歸饁婦雲裏出樵人  
時值無名叟行歌獨  
負薪

梅花

中園飛雪深梅夢出疎林  
豈逐時年態能知天地  
心無華春色和孤節歲寒侵  
草昧茫茫意羣芳不可尋

海棠

以淡爲天性飄飄不染香  
新風調淺醉初月上輕  
粧嬌極心無妬春多意盡藏  
梅花不相值誰比鳳  
求凰

柳

結束候芳晨  
嬋娟一夜新  
青青齊蕩日  
冉冉獨專春  
黃鳥殷勤處  
東風懊惱身  
漣漪此相映  
遠近若為親

梧桐

生在岐周後  
何因下鳳凰  
先人感秋氣  
隨眾受春光  
月葉翻鴉影  
風花覆井牀  
無勞作琴瑟  
斤斧嶧

山陽

桑

東家蚕子饑  
采采莫春枝  
豈不惜條葉  
佳人頻擘

持芳心萌不斷  
遲日早為期  
感化成絲後  
鴛機月

夜治

桂

嶺南幽客樹  
獨自媚芳華  
不改冬時葉  
能開春日花  
林中疑月殿  
叢裏是山家  
真信成招隱  
無香到狹斜

合歡

婉婉可憐樹  
安知離別衷  
徘徊共明月  
輾轉在春風  
極寵無疑妬  
深恩有始終  
獨教長信妾  
紅淚滴

芳叢

櫻桃

櫻桃丹的的想像屬青娥觸恨初收笑含羞不肯  
歌珠簾紅日動金屋綺霞多鸚鵡無言語春風奈  
若何

荔枝

胭脂十里津五月不勝春映日珊瑚亂搖波菡萏  
新贈君明月佩結伴艷妝人自恨生遐遠無因悅  
太真

素馨詞四首

并序

羊城俗有素馨詞女郎所歌語雖俚而意多風  
余因而廣之好事者和焉

不作春花空斷腸一年那止半年香憑君看遍東  
風裏誰似儂心在久長

二十四候花盡開纔將香蔓繞池臺清風明月時  
時在暫卷冰心讓早梅

芳叢結伴小嫣然傾國佳人兩可憐夜夜雲鬟盤  
莫厭今年顏色勝明年

的的冰娥倚翠屏秋風秋月共娉婷越王舊物都  
銷盡只有花田剩素馨

有燕先春社來者

能嫌社日遲知我頻相思黽勉終勞苦可寧訴別  
離花隄初雨後金屋薄寒時不見春風意殷勤恐  
後期

登羅浮山

昔余上泰岱曾候羲和出今夕宿石樓復見中夜  
日始辨南溟遠扶桑難恍惚朝烟起桂林秋風轉

蕭瑟斑斕五色雀飛飛各鳴匹嗟峨朱火地自古  
神仙窟白晝風雨來鷗鵬徙家室坐我一撮峯四  
界白雲密扁舟入大海洪波縱出沒益信是浮來  
此乃無根物今日返蓬萊羅山頓相失須臾天地  
霽使我仙不得葛洪畱一井丹砂轉無術悵下梅  
花村疎林孤月白

題李氏山莊

聞道東莊好雨中來叩關開雲登復嶂半日見前  
山人遠花光淨春多鳥意閒那當明月夜高咏此



檐間

皖城懷古

半城烟雨大江秋  
潛水通波共北流  
悵望周郎無處所  
白雲空繞浣山頭

過采石

采石磯頭美無量  
菁蔥牛渚遙相望  
當年李白下金陵  
錦袍江月光搖漾  
顧視金罍尚未傾  
臨風大笑興高唱  
千秋誰是後來人  
青青山色烟波上

泊牛渚

丹楓山上翠紛紛  
江介寒風捲白雲  
一曲長歌秋月上  
令人空憶謝將軍

京中別梁藥亭

梁時下第爲吳越之遊

同來射策愧劉蕢  
綠酒青絃此送君  
君君笑何嘗不得意  
浣紗溪上吊羅裙

昭君怨

秋色落燕支  
穹廬夜舞時  
含啼翻作笑  
幽恨有誰知

君王行樂曲十三首

幾轉流鶯百子東  
昭容雙引會羣公  
內朝忽報新梅發  
晚燕須尋亂蝶叢  
雪霽妝屏生夕翠  
月明環佩起春風  
東方據地歌纔罷  
召入金門射守宮  
上林花滿鶯聲急  
別館雲齊燕語高  
曲閣牽風入楊柳  
平池搖月映葡萄  
才人春思書彤管  
采女紅妝獻錦纈  
聞道桑林新雨好  
龍旂朝日幸東臯  
綺陌芳壇御苑東  
九農歌舞望華蟲  
春扶黛耜登青輅  
雨送黃種出紫宮  
推罷五雲書太史  
酒來三曲宴羣公  
今年更下蠲租詔  
好鳥殷勤喚女紅

社日千門出翠旂  
靈壇五色有光輝  
咸池屢舞勾龍醉  
珪玉深埋帝籍肥  
回蹕農雲隨輦路  
後庭花雨點春衣  
紅襟燕子今纔到  
方朔何忙割肉歸  
阿閣逶迤五色紗  
御香繚繞變朝霞  
聽謳數幸平陽第  
引鳳頻過弄玉家  
明月影浮長命酒  
嬌鶯啼發合歡花  
金吾舊願今成帝  
春殿明朝冊麗華  
四海無波奈樂何  
今年三殿倍春和  
風前撲蝶紅裙亂  
花下藏鉤巧笑多  
鶯和玉簫啼繡戶  
燕尋金屋伴青娥  
大酺月上千官醉  
縹緲香塵起踏歌

天馬權奇獻玉墀曾看王母醉瑤池六龍較獵驂  
驛走七子郊襟婀娜騎禁苑春風催首藉上林花  
色妬臙脂何須更羨人間種十萬紅旗逐貳師  
掩靄朝霞隱綠楊九華帳裏鬱金香鐘聲各苑叮  
嚀過鏡影千紅次第妝繡閣春濃畱翡翠銀塘花  
滿列鴛鴦東風一感君王思下詔多才宴柏梁  
春光到處總爲家罷舞停歌賞物萃玉燕偶啣紅  
蘂落金鑲齊引綠桑斜明朝袂襖臨天漢今夜鞦  
韆上彩霞試問婕妤辭輦去不知今在幾叢花

非彫占後選中黃較獵春原碧草芳獻賦侍郎覓  
扈從當熊妃子近君王緹騎萬羣紅日動丹屏千  
嶂白雲長天顏一笑開三網無數飛禽入建章  
三月皇州爛熳春九重雷雨應時巡前驅花氣迎  
華袞當輦雄風起翠蘋紅陌樓臺連別館綺城楊  
柳出通津何須更伴張公子自有康衢擊壤人  
雨後春餘麗景初五雲深處出天居簫中彩鳳來  
金殿琴裡南風上玉除上苑朝陽皆翠柳御溝流  
水盡紅蕖中官奏事遷延入正覽徐妃敢諫書

金莖仙露報新秋半捲珠簾水殿幽銀燭影前人  
似玉碧梧枝上月如鈎何須妖夢來雲雨自有靈  
池應女牛夜半笛聲天畔出宮娥知道富平侯

登華嶽

遙望如斧削巉巖杳無路行行傍蒼栢祠廟兩三  
處山南入谷口天井何迴互逶迤歷峻坂飛鳥先  
我度東上百丈崖攀蘿愁日暮欲尋千葉蓮仙踪  
忽迷誤飛瀑競奔泉雷霆戰風雨澄潭自古今霞  
影明可覩黃河下崑崙其性多憑怒巨靈一擘裂

天地亦震懼恨不蹴龍門無端苦神禹

秦中懷古

酈山宮觀正嵯嶢漢武金莖上碧霄欲問神君風  
過處茂陵松樹夜蕭蕭

洛陽懷古

天津橋下日潺潺啼斷春鶉樹色閉不見九疇來  
洛水空聞萬歲出嵩山依稀金谷濃花日倏忽銅  
駝蔓草間世事紛紜何足問青牛西去幾時還

沙丘臺

商紂高臺起天心不在東如何留石槲有意待靈公

登嵩嶽

中天空翠雜雲英伊洛虛無萬里平玉女初秋能響杵神仙七日尚吹笙人離丹鼎終成老身上霞峯未謝名少室有書畱不住下山涼月又三更

虎丘

闔閭墳墓翠蒼蒼白虎精靈亦渺茫獨有四時春色好千人石上綺羅香

姑蘇早秋

秋光一夜滿菰蒲五嶽閒人到五湖獨向西風頻借問千年還有季鷹無

答吳山

獨立吳山上眼有千里力湖江秋已多於越青何極坐見潮頭起白馬奔不息闔閭烟火深翠微接無迹九天下雲雨萬家變春色

西湖

六橋烟景亂斜暉柳色波光接翠微越國片雲東

九谷集 卷三  
嶺出宋時雙鶴裏湖飛芰荷千氣因風結羅綺同  
心待月歸獨是美人遲暮恨不堪堤草尚萋萋

孤山

湖山一片青遠近合無迹不入裏湖去安知翠微  
隔孤山無四隣嶽岑老寥寂澄光繞過半靜影生  
空碧亭臺世外意苔蘚太古色羣鳥歸高林山月  
忽已白萬籟一無聞抱琴坐幽石

飛來峯

何時飛去謝人羣世上那堪獨有君洞裏八風齊

出入石頭千樹總氤氳泉隨半竹流紅葉鳥宿危  
枝伴白雲靈隱晚鐘人散盡一峯涼月自紛紛

浣紗石

祇畱片石若耶津愁殺東風度度春況復當時波

影上一溪花落兩眉顰

花羞顰  
而落

楚中懷古

滔滔南國芷蘭多山鬼悲猿隱荔蘿窮士蘆中畱  
寶劍逐臣江畔聽漁歌三月草長雲夢雨九秋楓  
落洞庭波君王尚在高唐夢火入夷陵可奈何

君山

十二螺峯擁二靈光波繚繞日泠泠瀟湘秋色來  
巴國蘭芷香風滿洞庭烟迷斑竹啼零亂月出雲  
和響杳冥悵望九疑何處是長沙南去萬山青

猿

靜者識君意巫山秋若何飲河相接臂抱子獨攀  
蘿月出呼山鬼林幽試劍娥三聲興不淺無那恨  
人多

登衡嶽

高峯七十二蔽天如長霧自非鄴侯隱安得窮其  
趣緬想神禹蹟尋幽知夢處獨上紫蓋峯亭亭舒  
四顧崢嶸傲祝融呿接天柱金簡一去後磐石  
仍深錮惆悵望零陵九疑使人誤五絃絢不彈西  
風捲寒露湘江已微茫不知來時路娥英淚一灑  
飛上千山雨鴻雁解鄉心忽過衡陽去

田間

春鳩飛柘枝啼我向東菑繞水傍山翠隨花穿柳  
絲良苗懷暖日靈雨識農時不知歸路晚雲影自

遲遲

偶題

中年方學道漸與世情分  
新句題青竹終朝看白  
雲藥畦乘月灌麥隴及  
春耘隔谷松風過蕭蕭  
獨自聞

雜興

地僻無人跡終年獨掩關  
臨風聞暮鳥倚竹見秋  
山酒熟新歌好雲深晚  
灌閑坐看羣物態形役  
不知還

琴

絲桐本無我隨意吐宮商  
清濁和天地升沉辨帝  
王閒心寫流水奇韻借  
歸昌公子多豪思憑誰  
感孟嘗

瑟

豫識人間恨先爲五十絃  
無端一減半素女總茫  
然心緒將何寫聲希不  
可宣娥英非合奏難接  
九疑烟

筑



九谷集 卷三 七  
誰人曾奏此易水與秦宮多少英豪淚蕭條徵羽  
中十三絃已斷百二國何雄那意酣歌客高聲和  
大風

琵琶

四絃無限意風月豈能知香撥明蕙手檀槽暖玉  
肌明妃已盡恨公主不畱悲千古相思者情深屬  
阿誰

笛

誰將楚山竹慘淡作龍吟征戍幾年意別離中夜

心野梅吹不落江柳折還深長得春光住何妨塞  
上音

角

黃帝畱清角能吹百代兵引秋臨古塞催月下長  
城虎吼張忠膽龍吟助鼓聲靜聽橫寶劍誰不許  
平生

夜投山寺蚤起

忽見白雲入方知在巖顛起尋夜來路寒色一蒼  
然山雨連朝日春花畱暮烟半叢啼鳥響聲亂澗

中泉

流花橋春望

紗窻昨日曙鶯啼晚見垂楊已拂堤今日流花橋  
上望斷腸春色自東西

訪山人

輕舟一路繞烟霞更愛前山滿澗花不爲尋君便  
畱住那知花裏卽君家

再尋道士不遇

興至復幽尋春風已滿林苔增人跡斷花發鳥啼

深野鹿眠丹竈遊絲罨玉琴依然下山路惆悵綠  
蘿陰

三月三日

桃花千轉鶯上巳復清明佳節不行樂東風難久  
晴恨人迷草色幽女結春情明日非今日終催白  
髮生

灌園

嘉蔬間蘭蕙好藥傍葡萄淺灌連輕雨真閒帶薄  
勞興來歌舊曲懶至酌新醪但使機心盡何妨用

九名集  
卷三  
吳  
桔槔

浮丘山

朝上安期巖暮宿浮丘山浮丘安期何處去珠江  
流水長潺潺潺潺流水東入海三山樓閣今何在  
更向羅浮問葛洪丹砂井上碧苔封西望零陵無  
處所烟霞長繞九疑峯黃陵廟前淚成雨湘妃愁  
指蒼梧處南巡彈斷五絃琴不忍乘雲上天去白  
雲千古影悠悠仙鶴時棲茂陵樹

石鑑禪師過訪

寂寞柴門裏真宜過野僧無言相對處新月上苔  
藤古樹長溪水虛堂靜夜燈無心雲不住相戀亦  
何能

別石公

西  
慧遠愛陶令相攜過虎溪何如送公意只在野橋

懷匡廬送石公還棲賢

鄱陽秋水至明月蕩空光縹緲廬山上千峯瀑布  
長方尋白雲處深築讀書堂先送棲賢老栽松古

石傍  
幽人感清夜  
況復住山中  
月落平林靜  
風鳴衆壑空  
悲思催蟋蟀  
寒影入梧桐  
一自中年後  
秋心轉不同

草  
青青春不斷  
何處易爲心  
更有長門路  
年年愁恨深

春朝

東風何處來  
拂拂當春曙  
林花欲墜時  
不覺鶯啣去

種菊

東臯降靈雨  
步屐鋤荒園  
愛我秋菊英  
及時託芳根  
豈日無膏壤  
偶此蘭與蓀  
黃鳥鳴高楊  
婉婉東風前  
眷言陶令心  
悠悠已千年

早起

不覺春已入  
一夜百花舒  
靈雨散平疇  
光風亦徐徐  
徐好鳥時時  
來獨坐如羣  
居我自有真  
情安知古

人書

九谷集

詩

登虎頭山

番禺方元蒙章甫著

朝發扶胥口暮宿虎頭山不見落霞明安知水與  
天須臾明月吐雲浪何爛斑萬里盪明鏡縹緲來  
神仙夜深長鯨伏天末靜無瀾紅日中夜生星宿  
不足觀顧視人間世萬象猶漫漫欲乘大鵬翼高  
舉凌雲端南遊建德國去去莫可攀誰爲送我者

回首失崖間

孔雀

不用百花春徘徊錦羽新聞歌開月彩雜舞亂龍  
鱗躡躍疇嘉節翩妍荅主人文章誰不羨羅綺自  
相親

鴈

勞生在斯世黽勉避炎涼賴得羽毛滿安知道路  
長春光畱鴈塞秋色老衡陽所歎冥冥志無方捨  
稻梁

鴛鴦

戀戀不須笈同心豈有退便妍連理蔭調笑合歡  
花顧影羣魚戲成行學鴈斜雙雙三十六流恨與  
東家

鶯

流鶯囀小橋二月正嬌嬈欲語意微怯將歌情暗  
調恨世難爲夢春人不奈朝更堪腸斷處深坐碧  
桃天

翡翠

九名集 卷四 二  
南州一好禽巢向未央陰甚得君王寵猶然江海  
心羽毛幸有托羅網不相侵始信金門裏東方自  
陸沉

燕

羣生避羅網之子獨依人恃有聰明性而非鼎俎  
身玉階調白日金屋伴青春若問平生願懷恩不  
羨新

杜鵑

東風帝子規腸斷爲春暉怨恨成今古精魂還是

非聲枯猶未曙血盡不知飛蜀殿爲芳艸君今何  
處歸

鷗

春水蕩沙陰飄搖不可尋隨潮天上下逐浪世浮  
沉羣裏安知我閉中不見心海翁何處去洲渚白  
雲深

鷹

金氣肅秋空蒼鷹怒出籠雙眸愁白日六翮側西  
風畧地無橫鳥摩天有斷虹翻然形一蛻布穀喚

田翁  
鷓鴣

何意羈離日翻成邂逅時文章羞國士言語妒宮  
娃心小曾誰許恩深輒自知故山寧不戀無奈主  
人為

五色雀

仙侶戲羅浮羣羣丹井頭翔空天錦晝歸晚日華  
雷五帝分精贈三山渡海遊叮嚀招隱意躑躅桂  
枝秋

鷓鴣

非直凌霄漢應須老艾蕭中間羅網密習習為誰  
驕自得性情小安知天地遙有雛能解此一舉便

為鷓鴣  
鷓鴣生鷓鴣

夏日

誰言夏日苦濯足清溪湄輕風出南谷蘭香生我  
衣高枕青松陰白雲自飛來飄然一夢覺孤鶴去  
亦回靜言念終始天地何悠哉身外了無取安在

義農時



除夕

人生若絲染日變時亦更勞勞不自覺空傷歲暮  
情閒心觀物化寥寥得其真不復悲秋氣何用惜  
春榮倏忽爲今古聲名徒沸騰獨酌西軒下晨雞  
亦已鳴

蒹葭

秋心渺無際烟雨共濛濛寥落歸天外蒼茫入楚  
東色搖千里月聲散一江風淡澹微波上伊人在  
此中

萍

生來五湖裏不識五湖深隨風相聚散爲浪獨浮  
沉羈旅仍天地推移自古今此中有漁父一曲契  
無心

苔

生意在寥寂何堪媚太陽人情不到處幽色獨蒼  
蒼桐雨過丹井松春宿石牀陶然得所託歲歲自  
爲芳

雨

風雨尋林林益許許試製淋漓賦也百亦

一夜東風雨長林綠盡齊泥寒雙燕隱烟近百花  
低石溜斜侵陌山泉響入畦四隣農興罷簑笠釣  
前溪

晴

風光三月滿宜雨亦宜晴隔水聞花氣前林多鳥  
聲瀑微山翠亂虹斷晚霞明陌上行歌者無非芳  
艸情

湘靈鼓瑟

此曲人間未得傳蒼梧雲接洞庭烟娥英合奏悲

方盡素女原彈五十絃

荅城中友人見訊之作

不到春城五六年年來生事有誰傳兩株陶氏門  
前柳一半顏生郭外田黃鳥風邊行樂酒桃花浪  
裏釣魚船翻嫌楊子無佳興獨坐空亭草太玄

月

月娥有餘恨思向世間陳夜夜捲簾者無非離別  
人魄影今還古桂枝秋復春兔蟾不可語踴躍轉  
冰輪

天河

人間秋水至天漢亦迢迢帝子此離別機絲長寂  
寥映河東不注通海夜無潮虛負為靈鵲空成一  
夕橋

雲

雨中迷聚散晴後見浮沉冉冉傍山起悠悠盈澗  
陰隨風如有意掩日總無心欲辨空還色不知何  
處尋

東風

輕狂不可嗔直入羅幃春顛倒相思妾支持同夢  
人引香流上苑迎蝶過東隣忽落垂楊裏依依拂  
白蘋

南風

飄飄南陌頭婉婉度青樓玉女不知暑珠簾初上  
鈎荷香歸北渚梅雨亂中洲當日蘭臺上披襟直  
似秋

西風

誰教隴頭客長笛激淒風吹入秦川路山山度塞

鴻秋聲沉蟋蟀幽籟起梧桐惹得黃姑恨迢遙寄  
漢東

北風

衆竅一何怒松聲清且長落梅翻上下飛雪更搖  
颺送鴈賓南國催人醉洞房錦帷低已盡猶引博

山香

露

紛紛疑玉碎的似珠圓入草侵羅襪懸叢滴翠  
鈿靜夜蒹葭裏新秋菡萏邊金莖不可見空浥茂

陵田

雪

楚練封丹嶂雲英覆白沙晶冰爲處子明月在瓊  
花暗拂梁園簡頻飄謝女家因知太初意天地總  
無華

石公過訪

野荔分林色風蟬雜澗聲懷僧長獨坐開戶恰相

迎白石前秋月

前秋過我

青山異日情

有結廬匡山之約

如何

別來意庭樹幾枯榮

將應選畱別山中諸子

爲親聊捧檄作宰獨攜琴自歎非時尚終當還竹  
林故人惜別遠高曲贈交深何用持相謝平生猿  
鶴心

畱別諸弟

連枝豈不戀狗祿便辭家縱宰河陽縣空看棠棣  
華山衣畱苗替客路在蒹葭相思江漢上孤月鴈  
行斜

重別陳元孝

重得今朝別難銷昨日愁酌君一杯酒回首數峯  
秋笑指白雲路終期芳草遊暫時分棹去江月兩  
悠悠

飛來寺

昨夜飛來寺秋屏翠幾重峽中遲早日雲上起初  
鐘水曲疑無路山窮更有峯終然恐飛去頻有利  
名蹤

過滇陽峽懷陶苦子

獨唸江上惜秋光憶我同聲水一方回首青山看

九谷集 卷四 九  
不盡一帆疎雨過湓陽

望韶石懷張文獻

旅客愁心不可降  
武溪流水日瀧瀧  
九齡風度今何在  
欲上韶山望曲江

橫塘驛懷諸弟

山上黃花映翠嵐  
夢樓秋月酒初酣  
西風日暮橫塘驛  
愁殺飛鴻已向南

北江遇梁藥亭歸舟風急流駛不得停棹悵然賦此

橫塘驛畔白雲磯  
我入長安君正歸  
秋水灘從天上落  
西風帆向雨中飛  
蒼茫彼美何顏色  
倏忽伊人在翠微  
祇爲薛濤傳片恨  
芙蓉花下幾霑衣

登九華

河伯一生力秦山擘  
兩峯不知誰太巧  
削出九芙蓉  
映水根能動  
當秋色更濃  
青蓮不可作  
愁倚五釵松

金陵懷古

秦家天子幸江東  
鑿斷方山帝業雄  
淮水烟波餘

夜月白門疎柳又西風六朝丹闕開花裡一代神  
州在鏡中龍虎片時呼不應蕭蕭禾黍滿空宮

泊京口懷諸弟

西風初起越江頭九月寒波到潤州日落烟迷瓜  
步遠月高潮湧海門秋歸吳客上西津渡懷古人  
登北固樓明日攜家寄蘇市鴈聲南盡不勝愁

姑蘇懷古

越女微嚳不肯開吳王夜夜酒千杯苧蘿舊月尋  
粧閣震澤濃春上舞臺野鹿幾羣眠碧草宮梧一

葉落青苔靈巖山上年年恨空見秋濤白馬來

遊慧山

靈山不在大貴與素心會使我不顧歸何必登華  
岱慧山頗幽秀朝暮呈殊態數峯鬱連屬青翠紛  
環帶立石何岫嶙流泉引其內幾處好園亭長林  
奪蒼靄返照雜飛霞暝色明可繪遊人一散盡諸  
風奏仙籟錫山明月吐森然橫遠黛莫負天下酒  
詩囊有錢在一醉不愁醒甘泉如沆瀣

范蠡冢

在蒙城

一生輕相印孤棹入波烟  
瑕丘無戀意不葬五湖邊

過琅琊懷蓋公

歎息斯人去風流不可尋  
紛紜烟霧裏惆悵憶曹參

孟嘗君墓

荒烟漠漠草陰陰賓客如雲不可尋  
莫怪樵歌聽不得淚痕先滴雍門琴

晏平仲墓

生笑牛山淚墳花自在春近來齊國士  
舉火待何人

王蠋墓

七十餘城地非齊凡六年誰知遺一壠  
當日未歸燕

牛山

牛山何鬱鬱一旦屬陳田景公如不死  
涕淚更潺湲

望都門



九谷集 卷四 十一  
馬蹄踏盡五更霜回首盧溝帶夕陽廿載風塵人  
漸老又來燕市吊昭王

除夕京中作

東風去幾何茲歲復云暮自我解春秋倏已三十  
度少時頗懷古輒被芬華悞中歲漸知非清夜生  
微悟初心未及醜狗祿趨塵路白雲滿故山萬里  
頻南顧冉冉大化流川波不能住不惜年運徂無  
聞是吾懼

西山雪後月中

正月晴三五西山雪一旬寒峯光接晝霽色暗兼  
春倒映霓裳近翻添桂魄新南征方昨日望斷捲  
簾人

感興

春鳩鳴櫟樹性拙樂卑栖空巢誰爲食日晏且飛  
飛鴻鵠遊四海毛羽固差池差池良可愛高舉將  
何爲

代寄河南守

之子風流接李膺河南先後有同稱花城對酒人

如月郡閣行吟心似冰三晉烟霞連嶽鄙一春風  
雨出峻陵宓妃欲續陳王賦羅襪凌波見未曾

送襄陽宰

銅鞮歌曲與君宜縹緲仙鳧去莫遲漢渚月明神  
女夜大堤花暖艷春時循良本是風流輩泉石須  
畱日後思聞道襄陽諸父老至今能說峴山碑

登恒嶽

嵯峨臨朔野一顧窮大荒若有青雲磴可以通空  
蒼始信天北傾咫尺日月光黑帝現宮闕陰陽時

退藏昔時邯鄲國蔚蔚當山陽金斗雖縱橫寶符  
忽茫茫蕭條代山上摩笄亦可傷

京中花朝

河橋無草石無苔夜雪初晴鴈始迴遙憶故園鶯  
一轉山南山北百花開

京中上巳

寒後嬌鶯轉未流西山遲日散芳洲香尋萬蝶歸  
天苑春引千紅出御溝南陌馬嘶青草色東風人  
倚綠楊樓空懷芍藥誰相贈溱洧無津獨自愁

京中暮春

堤上垂楊初吐絲乍聞鶯轉上花枝多情莫恨春  
三月正似江南殘臘時

送客歸金陵

帝城紅陌酒千杯一路鶯啼送客回爲寄新歌桃  
葉渡菱荷香起抱琴來

時將之  
江寧任

渡江

攜家暫傍虎丘山萬里鄉心一半閒更喜長江波  
浪靜歸帆乘月度昭關

謝公墩

我來尋冶城冶城不堪道獨有一片墩寒烟宿秋  
草

方正學墓

秋滿荒原不可登夜號山鬼晝呼鷹白楊蕭瑟西  
風急一樹寒枝向孝陵

登長干寺塔

九級白雲上縹緲半空色日夕長風吹萬籟無消  
息江漢失西東吳楚不可識龍虎只一卷遂爲霸

王力明家舊宮闕髮髯難重得荒陵一片青千古  
何終極茫茫六朝地不暇生惻惻縱心視聽外此  
身且寥寂顧在塵網中欲去無羽翼頃刻遊仙夢  
明日非今日

鷄鳴埭

涼月蒼烟古埭平鑿輿無復出臺城曉雞亦解興  
亡恨不向荒叢報五更

華林園懷古

夜飛明月曉飛霞想像臨春妬麗華十里沉香風

落盡江南畱得後庭花

玄武湖

湖上六朝水通溝入苑墻浮烟剩桑泊

湖本桑泊

芳草

覆寒塘影借秋山色波兼返照光悠悠千古恨斜  
日下牛羊

木末亭

孤亭傍山半選暇一來登落日巢邊倚危欄花上  
憑秋明畱社燕天遠起風鷹方景祠堂樹枝枝向  
孝陵

舊內

明太祖爲吳王時所居

英雄初發憤杖鉞入王宮  
江漢濯新日東南起大  
風秋心寒蔓草客思慘  
孤桐禾黍存天道非關有  
狡童

石頭城

四海分家日山城鎮石頭  
腹心開重幕龍虎助雄  
籌日見南朝禪時看江水  
流空憐袁粲死夜夜使  
烏愁

新亭

荒烟籠破寺傳是古新亭  
不見昔時淚蕭蕭寒草  
青江山老寥寂風雨入微  
冥日暮馬羣下悲嘶誰  
忍聽

東山

當年謝太傅日當隱山遊  
盡力疇斯世將心許一  
丘碁閔方畧秘妓到碧霞  
秋歎息此人去滔滔江  
漢流

登洞庭山

崇山與大川兩者難並得  
東吳有洞庭嵯峨藏震

澤湖上羣峯青峯麓五湖白萬家隱平林參差開  
井陌農樵各有人松栢雜柚橘七十有二峯峯峯  
好泉石有似坐蓬島搖蕩滄溟日地脈在水底不  
知誰氏室安得夸父步西走巴陵出清風水曾波  
翠微盡秋色賞心能幾何尚是樊籠物終泛范蠡  
船會尋甬里宅莫便似桃源再來空恍惚

白門

斷腸秋色白門多疎柳蕭蕭柰若何昨夜烏啼啼  
不住不知誰唱叛兒歌

晚登采石磯

蟬竦橫東返照開蒼茫葭菼遠滌洞天門新月三  
秋到江介雄風萬里來西楚波濤危白石長松年  
代老青苔常王辛苦揮戈處今夜蕭條牧笛哀

九日懷諸弟

山木蕭森寒翠開北門歌罷獨登臺大江風起魚  
龍亂南國秋深鼓角哀鴻鴈已號梅嶺月茱萸應  
照萼樓杯時難更羨陶彭澤一徑黃花歸去來

晚登江樓感懷兼寄梁藥亭陳元孝陶苦子

高樓獨上起長嗟古渡疎楊日已斜  
遠浦秋風送鴻鴈大江寒月上蒹葭  
烽迷章貢空流水雲斷羅浮不見家  
白社故人相憶否陶潛終日想黃花

孝陵

蟠龍不改舊嶙峋一代冠裳剝石人  
山殿日寒飛燕晚寢園雲掩綠苔新  
千楸大道生狐兔萬古荒原泣鬼神  
牧豎似知離亂事蕭蕭長笛怨青春

送客從軍入楚二首

雕鞍白馬絡青絲花下逢君問所之  
窮路忽生投

筆志少年無負請纓時洞庭波浪飛  
雄劍巴國風雲上戰旗草罷羽書春  
色到好將長佩結芳蘿高陽昨夜酒  
初醒起舞狂歌有不平屈宋山川曾  
作賦孫吳時世且論兵千軍鼓角啼  
猿急五色旌旗暮雨晴他日寶刀橫  
翠幕教人悔學魯諸生

泊毘陵

曾聽吳歌夜泊船小橋樓閣隔秋烟  
幾回夢裏毘陵月楊柳東風又一年

延陵季子墓

依稀想尼父攬轡重遲遲  
悵望吳山暮畱題十字  
碑

靈巖山

白雲鐘磬寂疑在館娃宮  
石洞暗香現琴臺幽韻  
空春浮震澤外月好苧蘿東  
寶屨慙懃響蕭蕭松  
樹風

莫愁湖

當日佳人字莫愁  
湖風湖月思悠悠  
春光一到花  
如錦無數遊人歎白頭

桃葉渡

春風顛倒燕啣泥  
畫閣參差鶯亂啼  
桃葉不知何  
處去小橋流水自東西

青谿夜泛

玉簫金管自參差  
直接秦淮不斷吹  
水月桃花二  
五曲不知何處小姑祠

石城門

日出石城門十馬九健兒  
一女在中央顏色光陸  
離勉強薄妝束面上參差  
啼上橋逢老翁骨枯衣



九谷集 卷四 二十  
纍纍急呼嬰嬌語不敢便下騎老翁捨力奔攀天  
號我兒香魂絕欲墜白馬亦踟躕馬上問我母汝  
母勿復辭痛汝及汝弟抱石沉江潛老命已無家  
乞食千里來何意得見汝汝弟今何之我弟尚未  
殺他家爲卒斫年小怯視馬一日九箠笞五日分  
離去不復知東西我爲容貌苦求死不得施挾我  
向北行無復相見期我寔令母死父無痛我爲父  
子欲相挽雜遘怒鞭飛馬嘶忽中斷去去如雲馳  
老翁踏地哭助者盈路垂茫茫章貢水一半淚灘

灘

登鳳凰臺

此地何年來鳳凰鳳凰去後日茫茫楚王金氣青  
山老秦帝朱衣綠水長江介涼風吹白露軍門悲  
角下丹陽拂衣未遂烽烟隔落日荒臺獨望鄉

鬚有二莖白者

我願不知老其如明鏡間鬚從昨夜白鬢已少年  
斑野草可憐色春風無意還誰堪遲暮恨秋月照  
寒山

狂生

獨抱瑤琴上訟堂懷山仍奏紫芝章狂生不解看  
顰笑直道何勞較短長擊柝無官貧仕苦折腰難  
去吏情傷田園一別荒蕪盡况復連年是戰場

中秋述哀

秦淮兒童蚩不解人愁惡鳴金復擊鼓拍手齊呼  
聒明月在青天照我眼中血蟾兔爲我悲三五仍  
帶缺桂樹感西風安知不摧折奉母北征時辭家  
正茲夕姊妹及諸弟舉觴慶嘉節願母如月娥到

處清光徹老母垂淚語捨汝情淒切何時此月下  
相對食芋栗此月一回秋我母望天末此月兩回  
秋母病愁嗚咽哀哉三回秋久已終天訣姊妹望  
母歸慙勤寄羅襪有弟思趨省烽烟忽阻隔母死  
無消息慮母歸心熱魂歸誰得知魂來慘難說母  
骸何日返干戈未銷歇西南半天下無數生離別  
孤兒夢母啼眼枯空見骨淚作江漢波滔滔流不  
絕多少痛心人與我泣秋月

秋夜歎

孤雁渡江來群鳥隔嶺回秋風斷腸樹明月望鄉  
臺枉作毛公喜翻添庾信哀無心更遊楚何日返  
蒿萊

懷六弟桐喈

歎息平生願總非他時何事脫初衣貧狗五斗不  
能養家隔千山何日歸寒食淒風棠棣病大江愁  
雨鵲鴿飛西南烽火半天下望斷羅浮音信稀

橫塘

二月橫塘春垂楊覆白蘋可憐再來燕猶訝未歸

人南國旌旗老東風涕淚新茫茫江漢水何處不

逃津

寒食

總是傷心樹東風莫浪吹兩年寒食淚萬里板輿  
悲不去非芳草催歸有子規西南半天下何處不  
生離

送春

春來淚滿衣春去復依依來去幾回恨家山何日  
歸花前杜宇血夢裏鵲鴿飛明歲春三月烽烟還

是非前昔半  
 是雨  
 千里黃梅雨瀟瀟久客間浮雲斷江漢孤月暗關  
 山夏夜愁難短鄉心夢不閑故林丹荔滿姊弟淚  
 痕斑

社日送燕

高閣去依依烽烟一路飛與君同作客先我獨能  
 歸書斷家煩語秋孤淚滿衣不知南海畔門心是  
 耶非

秋興三首

三年懷土不勝愁五嶺迢遙列戍樓漢將已歸銅  
 枉沒越裳一去海波秋何期故壘添新鬼前日殘  
 黎未白頭不見陸生三寸舌縱橫鯨鱷幾時休  
 儻舍雖然淮水濱六朝遺俗已成塵每嗟林木非  
 吾土欲話桑麻無舊隣萬里南風飄鼓角三秋寒  
 雨長荆榛可憐庾信思歸地今日翻來作賦人  
 韋涌家環村波影空諸溪迴亂失西東千家雞犬  
 淡林裏兩岸樓臺返照中山月滿時生海汐漁舟

九谷集 卷四 四  
歸去借樵風柰何一別烽烟起歎世悲秋哭路窮

大江唵十四首

大江日蕩漾紅波自東出萬浦千山盡蕭瑟西南  
殺氣何慘栗鋒鏑茫茫覓家室哀烏號母雁索匹  
吁嗟神龍亦失窟

大江月葭莢微茫圓復缺吳楚千年怨離別南山  
昨夜桂花發松子淅淅墜白石猿啼一聲無人跡  
遊子不歸心慌惚

大江風搖山涌日西復東排波轉戰爭蛇龍生年

四十還路窮眼中兩見旌旗紅音書寂寞長天空  
一聲鐵笛迎歸鴻

大江雲飄洲落嶼何紛紛羅浮不見愁夫君征鳥  
啾啾驚失群田園荒盡誰爲耘三瀧活活落日曛  
狨啼腸斷伏波軍

大江雨萬里冥冥日無午鼉鼉呼吐龍螭怒七尺  
身軀美且武終日爲人作僂偃愁傾五斗拔劍舞  
蜿蜿雌雄亦何補

大江雪空裏搖颺何處滅五馬渡頭轉幽咽男兒

九谷集 卷四 三  
辜負三寸舌十載寒燈冷如鐵  
錙銖不就腰徒折  
風樹蕭蕭眼流血

大江霞白波瀕洞搖影斜  
西山慘淡秋無涯  
衡陽之陽未是家  
洞庭楓落吹寒笳  
相思紅日沉蒹葭  
橫塘疎柳欲棲鴉

大江霧山樹空濛迷古渡  
臥虎愁龍不知處  
故園阻絕思墳墓  
年年旅雁先人去  
悲風昨日丹陽路  
鼓角填填下征戍

大江水繚繞荆吳舊  
城市滔滔東流何日止  
人生

八十能有幾我今已半疾  
如矢容華憔悴從此始  
胡爲碌碌戀妻子

大江岸芳草離離石粲粲  
遲日微波盈渙渙  
空光濃蕩羈心散  
千里東風春望斷  
獨影行歌誰與伴  
舊日山河起長歎

大江曉楚岸吳洲青窈窕  
楊柳蒹葭起栖鳥  
望斷梅關家渺渺  
西燧東烽何日了  
人生憂多樂何少  
使我跼蹐乾坤小

大江晚蟬竦橫波何偃蹇  
白門日落千山遠  
三年

九行集 卷四 三  
羈客兩淚眼夏夜寥寥何時短章貢無津荆棘滿  
板輿知來不知返

大江春百川浮溢灑白蘋烟波溶溶愁殺人黃金  
用盡交轉新舉世於我無相親篋裏陰符不復陳  
桃李得意專芳晨

大江秋丹楓赤岸風颼颼寒空蕭索白日愁皇天  
日月逝不休十年使我能白頭誰能日日懷百憂  
高歌一曲輕王侯

登黃鶴樓

黃鶴倦人去不回高樓千古重徘徊荆吳山水春  
秋變江漢波濤日夜來三年北戍旌旗老萬里西  
風鼓角哀南望羅浮腸斷絕菊花顛倒爲誰開

戰場

積雪暎空堂娟娟寒月光若爲當此夜况復是他  
鄉迷路悲風樹青山隔戰場有書難繫鴈家更過  
衡陽

得六弟書

痛汝烽烟裏緘書淚滿衣頻看梅嶺路不見板輿

歸天意猶翻覆人傳有是非  
鵲鳩憔悴羽未得向南飛

六歌 并序

西南烽火幾半天下余遭憂去官欲歸不得作  
歌六首聊以寫悲云爾

褒斜道

褒斜道三載烽烟令人老  
嵯峨雲棧四百里其下  
黑龍江中水北走三秦  
南走蜀長蛇猛虎盤深谷  
張良一燒不可測顧盼從容得秦鹿  
諸葛艱難數

出師大星夜落三軍哭  
英雄成敗且有數况乃區  
區一狐兔黃塵瀕洞入秦州  
風雪關山勞遠戍鐵  
馬回頭望隴山斷腸家過秦  
川路更有子午與黃  
金十里百折傷人心懸崖削壁  
日月黑使爾戰魂  
招不得

蜀山高

蜀山高年年草木愁  
旌旄西風凜冽心煩勞絕壁  
岩巖開劍閣棧道微茫千里窄  
哀猿晝晝向人啼  
豺虎嗥號夜相索恨雨愁風  
魍魎豪自古何曾帝



王宅當年昭烈漢王孫羈旅風雲無所託先起奸  
雄不讓人草廬權定三分策他如竊據公孫述只  
作須臾狐兔窟英雄步武自堂堂險阻從來無用  
物空使蛇龍作戰場孤兒弱母家相失不見君鄉  
昔日有望帝化爲杜鵑一何細日日催歸歸無計  
倒啼血淚三春逝

洞庭波

洞庭波欲渡不得憂如何岷峨六月下雪水九江  
不流平如砥朝朝日月鏡中開時時蘭芷香風起

自從氛祲飛鯨鱷白浪如山斷衡霍蛟龍一夜失  
窟宅晝日冥冥風雨惡四山陰火燒白骨歸夢無  
津湖水濶夜半寒笳吹一聲哀猿盡叫丹楓脫湘  
靈聽之罷鼓瑟九疑無路千峯黑一時擘斷五絃  
琴惆悵南風來不得江南日夜造樓船澄清望斷  
在明年羈客窮途誰不老何日湖邊看春草

五溪澗

五溪澗魚鼈網盡傷人心伏波昔下槃瓠國鬢鑱  
悲歌夜吹笛十萬征人未盡歸千年流水聲淒惻

今時鼠竊是何意幽谷溪山盜名字東南盜賊應  
聲氣將帥旌旄橫滿地官軍三載住長沙萬馬齊  
驅非地利壁壘堅營休士卒食盡鋒摧待其斃巴  
陵南畔最卑濕瘴雨嵐風四時急畫角吹殘刀斗  
斷征人相抱於竿泣南天殺氣操生死雁飛未到  
衡陽止欲寄音書一問家家過衡陽幾千里

吳航頭

在福州夫差乘船畧地至此故名

吳航頭日夜滔滔使人愁夫差當日臣於越七閩  
一顧雄心發乘船直盡大海東回向中原事征伐

黃池會罷國已空潮去潮來只明月太伯子孫尚  
如此何況鴻毛竊風起未許苴茅戀不歸化作戰  
場幾千里海上波濤何日止欲學田橫豈能比近  
聞剽掠到循城科頭跣足擁旄旌吾家去此四百  
里乘流一夜能兼程有姊孀孤弟妹弱滿地兵戈  
何所託待得安瀾斬鯨鱷羈旅憂多頭亦白

五羊城

五羊城我生之初猶太平朱樓甲第滿大道中宵  
擊鼓還吹笙南隅地僻昧天意二王赫怒來專征

城中諸將各畱命百萬蒸黎一日烹家家宛轉蛾  
眉女盡入王宮作歌舞妙舞嬌歌雜鬼哭瘡痍尚  
在重翻覆亂後遺黎又化離當日哀嫠更笑獨前  
秋奉母辭鄉里弟妹牽衣憐我姊日日高樓望母  
歸誰知魂返烽烟裏魂返烽烟不可知靈輻倏忽  
滯三芬何年得度梅關去泣血滇江向南注

小除夕

凄風捲江介寒雪慘春前烽火五千里蹉跎四十  
年愁驚鄉夢散窮激道心燃豫畏叢花發山山啼

杜鵑

庾關

庾關千樹梅昨夜雪中開香風幾千里未到秣陵  
來春江頻送雁寒笛獨登臺相思不相見誰識越  
吟哀

元夜

五羊春色都剪綵綴流蘇雲漢星橋織珊瑚月殿  
珠亂離作羈旅兒女憶歡娛幼小思歸意慙勤問  
紫姑

懷朱少平

韋涌溪林好聞君近借居懷人歸未得對月意何  
如花發誰沽酒苔深獨著書路難思舊侶愁望北  
山廬

金陵

布穀啼春燕子飛年年爲客淚沾衣金陵芳草無  
情綠莫訝王孫不憶歸

寒食

幾度愁心托杜鵑羅浮春色散烽烟茫茫江漢將

歸客寒食東風又一年

別江寧宅

去官還阻亂三載客橫塘來燕翻呼主歸人似別  
鄉庶幾王粲井慚媿召公棠獨有親栽柳新枝解  
斷腸

歸舟雜興

五月江上寒山雲有奇色久在塵網中倏忽生羽  
翼客心爭洪流千里歸風疾返照落孤帆月上洲  
渚寂白鶴歸東巖羣動各有息吾生亦何爲幾年

作形役

歸舟半月尚吳鄉舊日雲山總斷腸更有無情江

上雨瀟瀟蘆荻過端陽

江上阻風

五兩風稀舟復停蛾眉山半雨冥冥歸心不得如  
歸夢先到花田採素馨

雨夜

黃梅江上雨蘆荻夜淒清一變春秋氣頻添江漢

聲叅差連角吹颯沓亂雞鳴五載迷津裏將歸百  
感生

登小孤山

太古一卷石縹緲出江水不知幾千仞奇怪伏波  
裏洪濤撼孤根一尺勢千里輕舸失柁楫攀纜緣  
山趾乘危轉石角蛟龍相睥睨捨舟踏雲磴倏覺  
坤軸倚殿闕蕭孤清老僧雜童子空亭在山巔晝  
夜白雲起俯視旋湍急江漢無終始且復留須臾  
明月出東汜

九名集 卷四 三  
登石鐘山

山郭孤峯出滄波四望通湖江空日月吳楚自西  
東石響難成蘚林深易得風匡廬有歸鶴飛度白  
雲中

登廬山

岬岬五老峯青冥半未削聳踴入霄漢返顧勢欲  
落逶迤歷巔頂大地何寂寞昔時白雲處諸峯盡  
騰躍九派現開合彭蠡迺一勺下遊九疊屏屏屏  
淡蕭索寒暑不可知光翠空無著急澗下懸崖奔

雷無所託倏忽山帶垂雲英吐幽壑大雨從東來  
雄風出橐籥泉溜一山聲無處倚魂魚回望舊遊  
地叢烟紛漠漠帶雲下秋麓晴日本照灼牛羊尚  
在田溝洫昨已涸乃知江湖水不是風雨腳天地  
何其大悲歡胡爲作

廬山玉淵

誰將一片石森森蔭芳樹使我來行歌臥看飛泉  
注奔騰過萬山至此忽欲住憚赫侔雷霆一旦失  
憑怒有似千古憤投入靜者慮兩崖青翠映空色

九谷集 卷四  
交相寓淡淡與天空冥冥寫秋素窈窕散餘波疑  
作汪漢雨幽光留人心不覺白日暮皎月上澄潭  
此身在何處

廬山瀑布歌

婉婉玉龍無乃是上不在天下不在水須臾變化  
爲白虹此時安得荆軻怒髮辭燕市目眩魂亂不  
可知雷霆霹靂晴空起乃知千山萬山雨合作飛  
泉落湖底匡廬青翠與天連一條界破空冥裏吸  
盡終天日月光萬古風雲何所倚東溟有日轉桑

田茫茫太素無終始願將光彩洗精神茅屋一間  
老於此

歸舟

青槐綠竹映江流一路蟬聲送客舟行到千重山  
色外西風涼月故園秋

豫章道中

去日思前日來時異去時長征旗畫暗老戍角聲  
悲大將克兒女春田長蒺藜家家明月下相對泣  
生離

九谷集 卷四 三  
章貢舟中作歌六首

空谷號風呼雨入四山水落千灘急百丈逶迤不  
上船石角飛湍何岌岌徒御當餐投七箸榜人焦  
悴衣裳濕亂世天心不可知歸路迢迢百憂集  
風高白日沉西麓未到常程不敢宿殘月慘淡落  
戰場新鬼啾啾爲誰哭孤舟愴怳不得力遠趁前  
山兩三屋五更豺虎聲欲稀寡婦哀哀歎孤獨

喜卻小山留我後倏在我前若馳驟千折百折舟  
子疲我左須臾還我右日色歸心不相及坐見羲

和陸巖岫天昏月黑風怒號猛虎長蛇兩相鬪

水淺瀧高圍萬嶺五年烽火行人靜孤舟獨宿黃  
茅中狐狸躑躅豺狼猛四村盜賊橫剽劫長年三  
老交相警妻孥近日皆知命鼾睡闌干呼不醒

江窄風稀萬山石中天無雲炎日赤百口艱難買  
兩舟雨汗相揮不能食南望青峯更千疊渺渺征  
途何時息不見人家寄山窟我復何爲歎于役

夢裏梅關眼中血今夜分明在秋月峯巒憔悴兵  
戈後慘澹烟霞寫離別去日板輿素輻返魂兮歸



來情難說有弟有弟亦夭折使我肝腸橫斷絕

燈

好夢不教成寥寥欲五更有心連月色何意吐花  
英古貌能添影衰瞳似舊明愁人誰肯對惟爾共  
平生

酌酒荔支洲歌

劉王此地昌華苑剝盡金珠計長遠那知有我載  
酒來飽食荔支笑南漢荔支顏色誰能似萬里紅  
塵媚妃子何如燁燁綴華叢南國佳人共江水昨

日劉王尚未醒大官賜醢縱嚴刑羊城百姓眼中  
血化作丹苞入王舌一朝身到汴梁去山河夢裡  
家何處講武池頭酒一杯始識天生帝王度芳洲  
無恙荔支改沉香樓閣今何在千古豪橫若無罪  
一飲十石亦不醉

立春日種柳

平生顛倒汝爲汝若情人及此芬菲節移將婀娜  
身芳心報知己恨色惹西隣莫舞東風甚腰肢愁  
殺春

花朝種海棠

今日是何日名花邂逅初  
光風憐淡性靈雨應芳  
鋤豫想難爲貌春心盡  
屬渠平生遲暮恨聊以結  
相於

南征閨怨

六年征戍大江南柳色桃花總不堪  
誰道北堂護草好翻教腸斷喚宜男

西征閨怨

長征鐵笛起西風吹入漁陽繡閣中  
半夜機絲鳴

蟋蟀一聲砧杵落梧桐清霜度度紅顏盡  
秋月年年角枕空誰道隴頭歌調苦望鄉  
今又過秦東

南征秋思三首

長嘶鐵馬減駉驂桐葉西風度又三別婦恨添斜  
漢夕悲笳吹斷大江南旌旗日落迷花瘴甲冑霜  
高帶樹嵐一曲武溪聽不得關山明月在秋潭  
丹楓颯颯角泠泠吹起猿啼不可聽萬里波濤愁  
白馬六年征戰老青萍書催塞雁過衡嶽夢引香  
奩入洞庭莫怪別離爲歲月軍營多在女牛星

紅顏不柰九秋催  
越水巴溪落木哀  
笛起寒山群雁度  
馬嘶涼草大風來  
西南霧掩半天日  
江海波鳴滿地雷  
極目荒原骸骨遍  
月高何處望鄉臺

送武城戴明府方昭歸馬平

忽將紫芝操  
彈入武城絃  
家在烽烟裏  
東來桑梓邊  
時繞道越東為歸計  
青山憐亂後  
秋色到人前  
尚及黃花放  
陶潛醉儼然

梁藥亭過訪

度度題詩望碧空  
故人忽到酒杯中  
一夜秋心同

蟋蟀十年孤月在  
梧桐離別幾何非  
少壯兵戈無柰各  
西東  
相問平生歌舞席  
素馨田畔感淒風

陳元孝過訪

清霜殘月度初鴻  
濁酒寒燈此夜同  
十載懷人憂患後  
三山歸客亂離中  
生來俠骨人難老  
身有詩名道未窮  
共話別時相憶處  
南溟波浪大江風

述遊二百韻

四三尋墨翰  
二八解文詞  
初廁諸生列  
頻叨長者知  
年華幾弱冠  
鄉薦濫竽吹  
親老方微賤  
家貧過

亂離擔簦趨 帝里射策上 彤墀已異劉蕡遇  
能容賈誼悲多慚通籍忝敢歎論官遲去去辭京  
國依依返故籬自安楊子宅還下董生帷禮樂通  
前事韜鈴識世宜羞爲章句士願學帝王師花月  
詩歌興秋冬射獵時好遊輕獨往懷古任吾之陸  
賈風流地文皇德澤垂漢家銅柱壯僊郭石羊奇  
珠玉光成象衣冠氣在茲桂林依日月瓊樹集神  
祇風起知鵬化文成見鱷移羅浮數仙窟溟海號  
天池蚌月連胎滿鮫絲帶淚貽崖臨建德近車指

越裳馳翡翠春風羽珊瑚赤日枝梅花過嶺路芳  
草趁遊期江漢浮雲變荆吳舊跡遺靈絃斑竹冷  
天樂洞庭僖帝輦多畱轍行宮有故基巫山秋雨  
幻漢浦夜珠疑香芷迷三戶南風繞九嶷衡雲回  
雁意峽月動猿思江夏何溟溟昭丘在渺瀰峯青  
分十二風急亂雄雌姊響秋砧石田啼玉米脂君  
山羅翠髻虞廟荐芳蘿北渚千楓落東門百草衰  
江波搖灩澦雪水下峩嶠赤壁東風壯丹陽鐵鎖  
危滄浪烟莫莫雲夢雨灘灘菡萏飄吳曲蒹葭出

楚辭春陵還王漢郢國又城糜冠蓋無鳴玉章華  
罷舞肢彌洲飄荇菜賈宅發棠梨龍虎山河改瀟  
湘樹木萎謝王愁不作屈宋渺難追秋老悲能幾  
天高問更誰那堪遺杜若獨自結辛夷楚澤唵鴟  
鳩蘇臺歎鹿麋射工羣喚蜮山鬼自名魑漁述三  
閭笑裘逢五月披徐墳思挂劍吳市憶吹篴坐臥  
千人石徘徊十字碑銅鞮低翠袖白紵艷娥眉無  
客乘山屐誰人倒接羅吳陵藏白虎禹廟畫黃螭  
潮壯雕弓滿濤奔白馬隨尋泉逢慧酒乘月釣江

鮒廬嶽千重出西江九派岐鏡湖明粉黛震澤漾  
琉璃柳色六橋日桃花二月鸚烟波無范蠡響屣  
吊西施往恨過隋苑雄心入下邳石公猶有廟漂  
母尚留祠古巷題樊噲荒原道馬惟溝東何日約  
澤左阿誰詒雞犬新豐去酣歌故里辭枌榆芳草  
亂芒碭白雲滋波撼田橫島秋飄孝婦霽扶桑天  
畔日方丈水中坻河伯旋東面任公作巨緇樓臺  
成蜃氣風雨起鰲鱓蹈海高齊士乘桴閔魯尼觀  
溟千派小登岱萬山界關氣迷青兕商雲覆紫芝

高丘分太少洛水貫瀝伊舜禹俱崩狩巢由獨老  
箕僊笙來縹緲神鞞映漣漪金谷爲荆棘銅駝長  
疾藜空同拜南首姑射望冰肌漢漑羣羞械愚山  
俗尚癡康衢遺井壤蒲坂舊琴絺草屋懷三頤  
山感五噫滎陽多楚骨臯墓有秦尸銅雀沉清吹  
叢臺落綺榭舜陶畱邑聚禹鑿想胼胝春女桑搖  
濮秋風竹滿淇薜華不可遇芍藥自爲怡華嶽開  
神手崑崙總地維漢陵因築霸秦羨未成驪寂寞  
咸陽筑蕭條博浪椎悲歌尋障塞仗劍歷邊陲嶺

凍千年窟河崩百丈碣高秋臨太白涼月落燕支  
黑水風寥栗陰山日蔽虧三春無度雁二月未流  
澌雪積平無壑沙寒不入錐白登叢鼠兔青塚老  
狐狸隴水兼秋雨笳吹逐晚颼傳烽不復起投筆  
亦何爲幾見 皇居壯頻年下國綏帝皇隨運會  
湯武不茅茨閭闔開三殿朝宗入九逵麒麟克苑  
囿翡翠隱杳恩鼎出黃龍見聲調綵鳳儀金塘開  
寶樹仙島吐瓊蕤南海呈春態西山露曉姿忘歸  
遊俠窟結客少年兒寶劍隨花入金鞭帶月嬉東

風吹紫驥白日照青騏仰面穿雕鶚翻身落鷓鴣  
高樓多趙女平樂盡胡姬秘舞遺金燕新歌送玉  
卮經遊天下半返棹越江湓舊水堪垂釣家山好  
賦詩晚風調茉莉朝雨醉醱醑夏火藏桑肆農薪  
雜豆萁桃源無魏晉午夢入黃義愛鳥頻分食畱  
賓獨折葵清宵頻射覆白晝對彈碁黃菊樽相酌  
青菰飯自炊有時鼓坎坎當月舞做做河鯉能供  
饌斑衣自解願呼兒鬪蟋蟀約伴放鷓鴣秋興人  
同得春臺物共熙半趺松樹老高枕石頭欹象勺

爲歌舞機絲給縞綦花前醜美酒麥後薦新粢時  
世寧無意烟霞未敢私山文何屑謂毛檄一朝齋  
奉母貪甘脆攜妻惜屨屨鯤魚臨瀆戲鸚鵡入籠  
窺俯首纓爲絡卑躬綬作縻劬勞奚足憚風俗總  
無裨受祿多惆悵登車幾忸怩簿書徒碌碌夙夜  
獨孜孜瑟壤宜更鼓絲紛貴緩治拘攣難尺寸督  
責在銖鎰直道供調笑狂生任詆訾枝斯那足獻  
驥裏不堪騎趙御今朝賤毛嬙一旦媼身輕隨跼  
踏舌在賤嚙執板何勞歎低腰每自嗤涇流無

異渭澠水不殊淄燕雀同笈檻駑駘共櫪榭升沉  
中漠漠寵辱久蚩蚩避繳憐鴻雁依人學鷓鴣西  
南橫颯颯符節發貅貔彤矢專征伐天戈各指麾  
三山當輻輳兩載任旌旗供億無常賦經營在有  
司帶星還厭慢喘月不知疲閉戶當寧謐初官際  
險巖形容何佗條面目已黧黧不得歌歸去空勞  
咏已而政多難畫一民苦怯鞭笞徵調無寧日流  
亾有怨咨不才羞印綬無力救瘡痍交拙愁金盡  
心勞嘆事埤昌黎思送鬼方朔欲啼饑同學多加

秩憐家已入貲處優能風議退食自委蛇蹭蹬嫌  
身拙艱難仰母慈高天何降割窮路復遭罹咳草  
悲風隕堂萱感涕洟烽烟迷日角姊弟隔天涯五  
斗一年養千山百口羈故園成戰壘秋樹有啼鴟  
歸夢憑誰作鄉心不自持百憂思悄悄千恨狀纍  
纍過客驚容悴靈龜識數奇旅魂傷九折衰服變  
三碁不去非芳草催歸有子規塞鴻來習習海燕  
去翹翹罔象猶吹浪飛廉未寢皮羽書方擾擾征  
馬正駉駉七國終懸藁三年已缺錡官軍收越服



歸計驗神著白鷺回春棹烏衣別舊者奔猿初出  
柙放馬且投羈風信頻淹滯征途暫赫戲蘆烟朝  
黯掩梅雨夜淒其竟日移尋丈新愁長倍蕙戰場  
何慘淡客路爲吁嘻荒隴聞啼母孤舟聽泣嫠荒  
城橫虎豹廢宅臥熊羆士女克行陣王孫變卒廝  
官胥催舊賦荆棘滿東菑他父哀童穉空溝哭老  
羸鹿來羣引子雞去獨留堦終遠歌河葛化離嘆  
谷蕞六年疎骨肉相見聚漣沔故友畱炊黍貧家  
過酌醕田園荒未甚林木蔭如斯樵徑猶堪採漁

磯尚可蹠南山增婉變西水更逶迤笑指巢林鳥

閒看曳尾龜攜琴相笑傲植杖好耘耔鼓腹餐丹

荔新詩寫陟輦

南越有陟輦紙

自能傳圃學不用待山資

漢室登三傑虞廷足一夔立談難賜璧稽古不求

輜未半磻溪歲從容理釣絲

答陳元孝寄約詩郵三作兼東梁藥亭

懷人似秋色日在碧梧枝吾道自千古斯文共一  
時開春結幽悵每月聯新詩袖裏芳蘭亂馨香好  
贈誰

江南花色好南海更便妍梅風媚長至桃日艷春  
前芳思歸詞賦風流入管絃曲江興絕唱和者已  
千年

我輩無相識孤音待後人鍊成千歲鼎謝盡片時  
春南郭羣爲吹西施獨自鬢殷勤寄明月一月一  
回新

望海

清秋無色蕩空光終古蕭條入大荒南國千江朝  
赤帝羊城孤日傍扶桑長天積水橫鵬翼白晝寒

波隔越裳莫信尼山浮海嘆一時鯨鱷總茫茫

無心

三春復九秋短詠共長謳有意訣花鳥無心寫獻  
醜得題開一笑逢句謝千愁便是平生事蚩蚩到  
白頭

集梁藥亭六瑩堂四日言歸作詩五首

昔年羅綺地齊種綠楊枝及我重來日青青幾丈  
垂中間春十度何處夜相思不記吳江月迢遙照  
汝時

九谷集 卷四 吳  
花開奏七絲醉我鬱金卮相顧酒闌後都非年少  
時平生春色恨今夜月明知輾轉新桐影誰爲雲  
雨期

生後遭離亂雲山各一居昇平幾日事烽火六年  
餘盜賊橫滄海文章老敝廬相逢一杯酒不樂更  
何如

良友惜嘉會薄遊城西陞春心老楊柳花信到酴  
醿時序欲代謝東風多別離不能一石酒須作滿  
囊詩

歡娛豈不戀欲送小園春釣艇暫回首花城誰主  
人波光搖柳岸草色迷桃津共望白雲月居然成  
四隣

止止弟以羅浮蝶見贈

惠連幽興好三月羅浮歸贈我雙蝴蝶花叢五色  
輝日搖金縷袖風駕綺霞衣夢裏池塘艸先從昨  
夜飛

三月晦前一日放羅浮蝶

以爾神仙物人間不可留春風尚明日送送返羅

浮綵雀為新識丹砂是舊丘須知莊夢好長作挾  
雌遊

舊邊 并序

閱覽明史流連邊事季年屯政日弛帑金不支  
饑軍驅戰良可哀已作詩八首後之懷古者採  
焉

遼東

青齊海曲舊幽營日夜蕭條鼓角聲月滿戰塵連  
朔漠秋高殺氣接滄瀛錦川渡馬層冰裂鐵嶺移

營壘雪明欲問天心東顧日誰停運舶廢屯耕

薊州

漁陽內塞神州地北望寧封祇白雲 初以大寧為  
外邊東連遼

東西接宣府寧王鎮  
之永樂間改封鎮廢花鎮笳吹陵樹曉潮河烽起

漢宮曠秋風古峪橫鴻影夜雪孤城索馬羣洪武  
舊兵零落盡路傍猶說戚將軍

宣府

燕犀冀馬舊稱雄白草黃沙在望中戰士夾河春  
射獵將軍乘障夜鳴弓龍門數阻陰山雪狐嶺頻

迴朔漠風一自大寧移鎮後烽烟無路接遼東

大同

三面臨邊大野平蒼烟何處嫖姚營白登古道秋  
風冷青塚荒原漢月明馬嘶草樹驕兵氣日落關  
河戰鼓聲東勝久年非禹甸諸軍誰識受降城  
與三受降城相存亾  
正統後東勝失守

榆林

赫連臺北是榆林四望黃沙朔氣森憂國正憐余  
御史防秋直過漢雕陰  
舊治綏德成化間都御史  
余子俊建議移鎮榆林

官鹽近日停輸粟邊食誰人議折金烟草又迷河

套路年年朽腹共丹心

榆林不毛之地向耕牧樵  
採於河套後套失而軍士

困矣

寧夏

黃河黑水兩潺湲哀笛寒笳去復還秦塞秋風靈  
武郡漢家明月賀蘭山千渠蒲葦西疇好萬戶牛  
羊晝燧閒一自六軍擒哮拜四方兵甲動天顏

明代

哮拜為  
亂始

固原

黃河水合角弓彎千里烽烟夜不閉日日徵兵來

鞏鳳年年吹笛度關山固原每歲調西鳳臨鞏兵防守凡四閱月芻糧在本

兵額內支戰馬臨洮空霹靂洮河奔放聲如萬雷秦人望隴

更潺湲金城方略憑誰獻漢代屯田在艸間

甘肅

長城不到漢居延寂寞河西路二千何處吹笳來

白嶺誰人飲馬入紅泉燉煌未見歸王會洪武五年宋國

公下河西以嘉峪關為限遂棄燉煌哈密何勞費帑錢明初以哈密為甘肅藩衛

後陷于上魯蕃屢出師為其恢復望斷牛羊空日夕蕭蕭芳草滿

祁連時河西二千里計于止萬餘

白雲山歌并序

白雲山在吾廣州城東北積翠凝華中多泉石

足以步眺余自甲寅宰江寧五百日遭憂去官

六年不卽就補雖未忘斯世之志而于役未有

前期大都為白雲山色也莞爾作歌

白雲山翠微窈窕虹闌干白雲山九龍泉涌月潺

湲白雲山水簾不捲晶光寒白雲山桂枝宛轉叢

芳蘭白雲山春秋交態來無端白雲山天池浴日

夜爛斑白雲山大鵬九天垂羽翰白雲山安期於  
此成金丹白雲山使我無心終日閤白雲山他時  
縱去終須還

中秋卽事

雷霆霹靂下交州風掃浮雲月滿樓三十年來流  
淚地萬家齊醉太平秋

閏中秋邀陳元孝陶苦子翫月阻雨賦寄兼  
訂晴宵之約

閏八重輪月百年能幾回可憐今夜雨不醉故人  
杯世事同此歎秋心橫自來姮娥豈無意遲暮獨  
何哉

送友人之官

鴈行無故不分飛千里攜家繞翠微令弟明年當  
捧檄不知松菊望誰歸

劍

乾坤作大冶鑄得百神精牛斗文章吐雌雄晝夜  
鳴正堪天子用寧與匹夫爭未欲成龍去爲君報  
不平

雨

蓄積山川氣時來不可藏  
風雷隨左右天地讓玄  
黃潤物盈千野升龍上九  
蒼功成身自退臨照屬  
朝陽

拾遺

高唐

楚人空識有先王那解巫神意渺茫祇見白雲還  
自雨不知曾否客高唐

留別朱少平

唯君勸我隱何故復于征無限中心事空憐好友  
情離山尋世路顧影問生平回首白雲裏秋風孤  
鶴鳴

寄示兒女詩四首



示還

汝到荒城興寂然姑蘇如畫入新年  
難逢兩度春三月且罷琴書上酒船

示朝

將母蘇臺歲已新後園花鳥不勝春  
何須門外尋詩伴自有烏衣巷裏人

示潔

謝家諸女頗聰明汝弟聯吟又汝兄  
新學吳音已成未碧桃花下聽初鶯

示京

左家嬌女最堪憐三月不見如三年  
汝父近來春夢處一江花月在吳天

題南華卷後

諸星敢與月爭明一劫文章結一精  
誰是夢中花一樹少留蝴蝶採芳英

題杜陵卷後

千秋誰解數詩雄前有姬譚周公譚大夫  
後杜公此外不過稱述者各應行列拜高風

哀溧陽馬章民夫子 并序

余甲辰試禮部獲夫子薦後見大喜指余對策曰吾平生頗以文章自負今得子亦如廬陵之得眉山矣余答曰應科之技不足爲夫子道將歸搜所作以獻未及請正而夫子逝哀哉

世上無雙士臚傳第一人粗衣容貌古坦語性情眞作述俱傳子經綸未及民平生無限事難復座前陳

哀秀水王言遠夫子 并序

余年十六應郡試夫子拔第一人十九試鄉又爲夫子薦士夫子詩文名海內晚著理學辨有獨悟不受宋儒所局世名流之評余詩者多矣獨夫子曰意象飄然眞不從人間來深知余情環書之成恨未得就正別幾三十年徒展翰墨遙想道貌遂爾永訣是可哀已

賢達誰無盡無稱聖所憂片言開後起千古號前修厭世金星返歸空紫氣收共明生死故何用哭西州

哀無爲州楊尾絃夫子 并序

夫子試邑童子余年十六選第一人嘗語余曰  
子必大用廉潔恬淡是所期也三年棄官去邑  
人思其惠歌曰番禺循良前張後楊張者浙人  
名國維也還山將四十年而終哀斯人之不復  
作矣

天生一勺貪泉水每歎無端在粵鄉一自神君迴  
倒浪獨將孤日湧扶桑請看過去兼來者只數前  
張與後楊褒德無封今已矣詠歸誰與更悲傷

